

Gazel

Âşinâ-yı aklı biz bîgâne etmişlerdeniz
Niçe Eflâtûnları dîvâne etmişlerdeniz

Neşesi değmez bu işret-hânenin bir cür'aya
Biz sipihri bezmine peymâne etmişlerdeniz

Hânumân verdik olunca kenz-i aşka dest-res
Biz anınçün bu dili vîrâne etmişlerdeniz

Pertev-i ikbâlden gördük ne gördükse zarar
Mihri şem-i bahtına pervâne etmişlerdeniz

Hasm-ı çerhi aldayıp **İzzet** bu lu'bet-gâhda
Çok piyâde dilleri ferzâne etmişlerdeniz

Âsitân-ı Hazret-i Monlâda bulduk câm-ı feyz
Âlemin her gûşesin meyhâne etmişlerdeniz